



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO


PARARE DOMINO PLEBEM PERFECTAM

**Afrika e hlokanang
meeli**

3

**Mahlohonolo
lihlahlobong**

5



MOTSE O FETOHA LESUPI

**Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Ba 'muso thusetsang!

Libekeng tsa ho feta ho ile ha e-ba le mekete e menga e meng e batla e latellana moo ho neng ho abeloa baithuti ba Likolo tsa Thuto e Phahameng mangolo holatela mekhahlelo ea bona. Leha ho le joalo ho ntse ho e-na le likolo tseo e leng hona li tla keteka hamorao pele selemo sena se kolumela. Ha ba bang ba keteka tlhoho le ho amohela litholoana tsa mesebetsi ea bona, ba katlaase ho bona e leng barutoana ba Likolo tsa Mathomo le tse Phahameng, ke hona ba tla qala. Lihlahlobo ho latela Letona la Thuto le Koetliso li qalile ka la 7 Mphalane monongoaha, empa ba tse Phahameng bona ba tla qala bekeng e tlang.

Letona le lebohile Lekhotla la Lihlahlobo la Lesotho (ECOL) ka ho hlophisa lihlahlobo tsena ka makhethe le boitelo selemo le selemo, 'moho le litichere tse otlang bana. Ka hona barutoana e se e ka mofufutso oa litichere o ka se felle boeeng joaloka oa ntja, ra bona litholoana tse ntle. Etsoe ho etsa joalo ha se fela ho khahlisa litichere kapa bona batsoali, empa ho molemong oa lona haholo kaha ho lokisetsa bokamoso ba lona. Le se le ntse le bona hore lefatše le fetohile, mesebetsi e'a sokoleha ka hona le qale esale joale ho hlophela nako e tlang le hoja motho h'a le lilemong tsena tsa lona ho se bobebe ho nka likeletso. Haeba le sa rate ho mamela, le tla llela lebese le qhalaneng hobane ngoan'a mahan'a joetsoa eena o bonoa ka likhapha. Litlamorao tse bosuloa li tl'o utluoa ke lona e se batho ba le fang boelets, ka hona ithokomeleng.

Ka lehlakoreng le leng, re utloa litaba tse bohloko bona bo sa tsoeng mali ho hlaha Seterekeng sa Mohale's Hoek, Lebatoeng la Hloahloeng moo ho atileng lipolaeano le lipeto. Mokhethoa oa moo o hlalosa hore ho bile le ketsahalo mathoasong a khoeli ena ea Mphalane, moo baamani ba neng ba tseka tšimo 'me malome a bolaea mochana kamor'a moo a inehela sepoleseng. Ba habo mochana ba sa luleng motseng o le mong le oa malome, ba ile ba etela motse oo 'me ba fihla ba bolaea le bona e le ho iphetetsa. Ho chesitsoe matlo a tšeletseng, likolo tse 13 'moho le linku tse 15. Baetsi ba liketso tsena ba tlalehoa ba balehile 'me ba e-s'o tšoaroe.

Sebaka sena ke se sa fihleleheng habonolo ho hang; ka hoo litšebeletso li hle ka lebaka lena batho ba iketsetsa ka ho rata kaha ba tseba hore ba tšireletso ba tla lieha ho fihla. Mokhethoa o ipilelitse ho 'muso ho hloma motebo oa sepolesa kapa oa sesole hobane ho shebahala litlole tsa molao li se li ahetse moo, 'me sebaka se fetohile sentele sa likhukhuni. Bana ba holelang har'a litlokotsi tse tjee ebe bokamoso bona e tla ba bo joang? Ba phela joaloka ka 'mutla lintjeng, hoo ba seng ba tšaba le ho ea le sekolong. Joale ntho e bohloko ke hore ho tlalehoa lintlafatso li etsoa lihlahlobo metseng ena, ebe thepa e se e fetisetsoa metseng e meng. Ho khesa batho ke ka lebaka la'ng? Motho ea neng a re o hlohile polotiki ea Lesotho o na opile khomo lenaka. Hobane feela batho bao ba sa khetha 'mala o itseng oa lipolotiki b'a tlhela ba phele har'a litlokotsi tseo? Basotho ba se ba phelisana bophelo bo joang athe?

Ho na le mohopolo o motle oa hore linaha tsa Afrika li ke li kopane li be ntho e le 'ngoe, 'me har'a tse ling li felise meeli lipakeng tsa tsona. Taba ena e ka thusa haholo ho holisa moruo oa linaha tsa Afrika haholo litabeng tsa bohahlauli kaha ho tla ba bobebe haholo ho etela naha ka 'ngoe. Mohlomong taba ena ha e na ho fella feela litabeng tseo e ka hola hoo Afrika e ka qetellang e kopane 'me e sebelisa chelete e le 'ngoe. Ebe batho ba batšo ha ba se ba ka kopana kaofela ebe hoo ho ka se tšose bale ba ikentseng melingoana e fofang holimo mane?

Bothata bo teng ke hore feela ba ka tla re nonosa linthoana-nthoana ebe rea fetohelana, re nka lehlakore la bona. Batho ba batšo b'a hana ho kopana, hobane feela ba shebile ho fumana lintho tseo ba sa li sebeletsang. Leha ho joalo, mohato oo ke oa bohlokoa haholo e se e ka baetapele ba habo rona ba ka o tšehetsa re tlhela ho sokola hakaana empa re le bana ba motho.

MOLIMO A BOLOKE LESOTHO LE BASOTHO

Letsatsi la

bolulo le'a ketekoa

Nthabeleng Seitlheko

Lekhotla la Mose-Moholo Maseru (MCC) le ketekile Letsatsi la Machaba la Bolulo le Tero-po, ho beha sechaba leseling ka bohlokoa ba bolulo bo nepahetseng le literopo tse hloekileng le ho raloa. Litaba tsena li bile ka la 7 Loetse monongoaha.

Motlatsi oa Mongoli e Moholo Lekaleng la Puso ea Libaka, Borena, Lehae le Sepolesa, Flory Rakeketsi o hlalositse hore batho ba 519 000 ba phelang teropong ea Maseru ho latela lipalo tsa selemo sa 2016 ha ka 1986 e ne e le batho ba 98 117.

A supa hore tebello ke hore ka selemo sa 2030 ke batho ba 50, ho ba 100 ba tla beng ba phela kahare ho literopo. O re sena se bolela hore liqholotso le tsona li tla phahama li tli'o bakoa ke tšubuhlellano. A re qholotso tseo ba buang ka tsona ke tšilafalo ea leholimo e ba koang ke likoloi ka lebaka la bongata ba ona ho latela mosi oo li o ntšang, le sechaba se khobokanang nqa e le 'ngoe ho ka bakang mafu.

A re ke boikarabello ba 'muso ho bona hore bophelo ba batho ba phelang literopong bo'a fetoha ka ho ntlaflala. A hlalosa hore har'a tseo 'muso o ntseng o li etsa e le ho arabela litlhoko tsa sechaba ke khaho ea setsi sa litima-mollo se ntseng se ahoa Maseru.

Mokhethoa oa Stadium Area 'Mampho Tjabane o itse har'a tse ling tsa liqholotso tse teng teropong ea Maseru ke bohlasoa. A re ka lebaka la ho hloka libaka tse ikhethang moo ho qhaloang lithole teng, karolo e kholo ea sechaba e ikhethelela ho qhalla lithole hohle.

Are ka lebaka lena ba etsa khoelehetso ho mafapha 'ohle a nang le kobo'a bohali ho thusetsa litabeng tsena tsa bohlasoa hore na bo ka felisoa joang. A etsa kopo ho bohle ba qhallang lithole matamong ho khaotsa hobane seo se sitisa sechaba ho rua litlhapi matamong a metsi a sa hloekang.

'Malichaba Lekhoaba ho tsoa lekaleng le fanang ka litokomane tsa mobu o itse e le lekala ba thulana le liqholotso litabeng tsa kabo ea mobu. Are karolo e 'ngoe e filoeng matla kabong ea mobu e iphanyetsa taba ea hore mobu oa masimo

ha o ajoe le ho aha matlo ho ona. O itse libakeng tse ling joaloka lekala ba fumana hore motho o abetsoe mobu sebakeng sa temo 'me motho ea joalo o na le litokomane tse felletseng tsa mobu o joalo. A bonts'a sena e le qholotso e kholo kaha ho ka se be bonolo ho tloha ea joalo sebakeng seo.

A re maemong a joalo ho qala ka hore ebe ho se ho se na taolo le hore na motho ea joalo o tlosoa joang sebakeng seo. A re bona e le lekala mesebetsi oa bona oa mantlha ke ho sireletsa bolulo 'me ba kopa sechaba ho ba thuse ho etsa mesebetsi oo ka ho ikobela melao.

Mongoli oa MCC, Moea Makhakhe o itse metse ea rona ha e-ea raleha hantle ka lebaka lena ho litjeo li holimo ho aha litsela har'a metse.

A re ba etsa kopo ho sechaba ho tlhella ho ipha litša kaha sena se bakela ba ikarabellang mathata ha ho lokeloa ho etsoa meralo. O itse batho ba iphang litša ba nahane ha ho ka ba le tlokotsi e hlokanang thuso ea hang-hang mohlomong eba ntlo e'a cha, joale eba koloi e timang mollo e teng empa ho se mokhoa oa hore e fihle ntlong e joalo. A etsa boipiletso ho baahi ho sebetsa 'moho le ba amehang e le hore lintho li tle li nepahale.

NEW

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

Call or whats App: +266 28350815/ 22350224/ 68078124 (Whats app)

Mazenod PRINTING WORKS (Pty) Ltd

BANNERS
SIGNS
POSTERS
PRINTS

LAA

LAND ADMINISTRATION AUTHORITY

NOTICE OF LOST LEASE

NOTICE is hereby given that I intend to apply for a certified copy of a registered **Title Deed/Lease** to immovable property registered Under No. **16251-002** on the 29 October 1997 in favour of **DAVID MABOTE LEKAOTA** in respect of

Every right or interest on and to the building(s) and other developments express or implied in certain Plot No. **16251-002** situated at **MABEKENYANE BEREJA DISTRICT** on Plan No. **16251** as held by Chief Surveyor.

All persons having objection to the issue of the said copy are requested to lodge such in writing to the Land Registrar **within three weeks** from the last publication of the notice.

ADDRESS:
Land Registrar
Land Administration Authority
Lerotholi Road
P.O.Box 11856
Maseru 100

APPLICANT'S NAMES AND ADDRESS:
'Mamohapi Lekaota
P.O. Box 12618
Maseru 100
CONTACT NUMBERS: 58084117

Tseba boemo

ba hau u

alafshoe



Afrika e hlokang meeli

Nthabeleng Seitlheko

Moifo o etell-
etseng pele
letšolo la bon-
ngoe lipakeng
tsa linaha tsa Afrika o ete-
tse Naha ea Lesotho ho tla
tšohla litaba tse amanang
le motsamano o bulehileng,
tšebeliso ea chelete e le
'ngoe Afrika le ntlafalo ea
bohahlauli. Litaba tsena li
bile ka la 7 Loetse monon-
goaha.

Ea eteletseng pele letšo-
lo lena, Adv. Ras Mubarak
ho tsoa Naheng ea Ghana
o bontšitse hore e le baahi
ba Ghana ba fumane ho le
bohlokoa hore ba etele lina-
ha tsa Afrika ho tla thohole-
sa linaha tseo ho ba karolo
ea letšolo lena.

A re sepheo sa bona ke
hore linaha tsena li fumane
motsamano o bulehileng ho
kena linaheng tse amehang
kaha e tla bebofatsa khoebo
le khoebisano hammoho le
ho phahamisa bohahlauli.

O re linaha tseo ba seng
ba tsamaile ho tsona li 13
tseo ba fumaneng boetapele
ba linaha tseo bo ananela
litaba tsena. A re taba ena e
tl'o thusa ho bulela baahi ba
bona 'maraka le bohahlauli
bo tla phahama ke motsa-
mao o buletsoeng ho sa
hlokoe tumello ea ho kena
naheng e joalo.

A re ba qhololitsoe ke ho
bona Naha ea Kenya le
Ghana li bulela motsamano
ho tsoa ho baahi ba linaha
tsa Afrika, 'me ba hlokomela
hore linaha tse ling li ntse li
salletse morao.

A bontša hore linaha tse
kang Burkina Faso, Gabon
le tse ling li se ntse li sebet-
sana le ho nchafatsa maano
a tsona litabeng tsa malibo-
ho a bulehileng sebakeng
sa khoebo le bohahlauli ka-
har'a Afrika.

A supa hore ketelong ea
bona ba tla etela Letona la
Bohahlauli le Tona-Kholo
e le ho ba tekela maano a
bona ka letšolo la ho kopan-
ya linaha tsa Afrika.

A re ba a tlehile ho ete-
la Motlotlehi Letsi III 'me
e bile ketelo e molemo
kaha ba netefalitse hore ke
moetapele oa bohlokoa ea
batlang ho bona naha ea
habo e ameha kholisong ea
toro ea Afrika e kopaneng
ka khoebisano.

A re ba ikemiselitse ho

bula Afrika e pharaletseng
ka monyetla oa bohahlauli
le ho theha kutloisiso e
arolelanoang ho hlakisa
sepheo, ho khothaletsa tše-
belisano 'moho lipakeng tsa
'muso, baetapele ba setso
le sechaba.

Ea nkileng karolo 'mo-
keng ona, 'Mankalimeng
Rasethuntša o hlalositse
hore litaba tsena li tl'o thusa
Basotho hore ba utloisise
molemo oa ho ba le meeli
e bulehileng litabeng tsa ho
lefa le tumello ea ho kena
kahare ho naha e 'ngoe.

A re meeli e bulehileng e
tla thusa hore re tsebe ho
hoebisana ha bobebe le
linaha tsa Afrika ho se meeli
e sitisang kapa ea methati
e mengata e ka qetellang
e sitisitse hore khoebisano
lipakeng tsa linaha tsena e
se tsamae hantle.

A re ha linaha tsa Afrika
li butse meeli ho tla nolofa-
la hore bohahlauli bo pha-
hame hobane linaha tsena li
fupere nalane e matla haho-

lo hore e ka holisa moruo oa
eona ka bohahlauli.

A re ho tla bulela linaha
tsena ho ithuta ho tsoa ho
tse ling ka litaba tsa khoebo,
ho thusa ho fokotsa tlhoka-
halo ea mesebetsi e renang
ha joale kaha ketelo ea ba-

hahlauli kahare ho naha e
tla nyoloha, 'me bacha ba
fumane mesebetsi.

A phethela ka hore moha-
to ona o tla thusa ho fihlela
meoloane ea selemo sa le-
fatše sa 2063, e leng karo-
lo e buang ka motsamano o

bulehileng o se nang meeli.

Letšolo lena le khothalet-
sa linaha tsa Afrika ho tlosa
meeli; tumello ea ho kena,
ho phahamisa maeto a se
nang meeli le ho matlafat-
sa likamano tsa bonngoe
hloahloeng ea Afrika.



Bacha ba tšohla tsa lipolotiki

Nthabeleng Seitlheko

Mokhatlo oa
Bacha ba
ikopantseng
ba Linaha tsa
Afrika (AYC) o ile oa thake-
lana ka malebela litabeng
tsa ntšetsopele le tsamai-
so ea puso, Sekolong se
Seholo sa Sechaba (NUL)
ka la 3 Loetse monongoa-
ha.

Motlatsi oa Motsamaisi
oa Lipuisano ka Ntlong ea
Bakhethoa, Mohlomphe-
hi 'Matlhothonolofatso
Mosena o bontšitse hore
bacha ke bona baetapele
ba naha ena ka hona ba
lokela ho kenella ka mat-
la litabeng tse amanang
le puso le ntšetsopele ea
moruo kaha litlamorao tsa
liqeto tse ntseng li etsoa
hajoale li tl'o ama bona na-
kong e tlang.

A re boetapele bo qala
moo motho a tsebang ho
ntlafatsa bophelo ba hae
pele a ka batla ho etella
karolo e kholo ea sech-
aba pele. A re bacha ba
Lesotho ba lesisitheho ho
kenella ka matla litabeng
tsa puso esita le ho ea
likhethong, le hoja e le
bona ba bangata ka ho fe-

tisisa kahar'a naha ena, 'me
sena se etsa hore ba nkeloe
liqeto ke batho ba bang.

A supa hore ba bangata
haholo kahar'a naha ena
ba nang le makhabane a
boetapele bo hlakileng,
bothata bo teng ke ho hloka
bonngoe, 'me sena se etsa
hore ba sitoe ho khethana
le ho matlafatsana ka litaba
tse ka tsoelang naha mole-
mo.

A re Naha ea China ke e
'ngoe ea linaha tse neng li
futsanehele haholo lefatšeng
ka bophara, empa ka leba-
ka la boitimo le bonngoe
ba baetapele ba eona, ha-
joale e latela ea Amerika
lethathamong la linaha tse
ruileng ka ho fetisisa.

O phethetse ka hore
'Muso oa Lesotho ka bae-
tapele ba ona o butse
mamati ka hohle ho sekehe-
la bacha tsebe, litabeng tse
ba amang esita le ho ntšet-
sa naha pele.

Ho feta mona, Molu-
la-Setulo oa Mokhatlo oa
AYC ho hlaha Naheng ea
Zimbabwe, Taurai Kandis-
haya o bontšitse hore bacha
ha se baetapele ba kamoso
feela empa ke baetapele ba
kajeno hobane liqeto tseo
ba li etsang bocheng ba
bona ke tsona tse tla tsoela

naha molemo kamoso.

A re bacha ba qeta nako
e telele haholo ba shebane
le marang-rang, ka hoo ba
lokela ho fetola tsela eo ba
sebelisang sethala sena
ka eona; ka ho buisana ka
litaba tse ka isang linaha
tsa habo bona pele esita
le ho hokana e le bacha ba
linaha tsa Afrika ho thake-
lana ka malebela litabeng
tse kenyeletsang khoebo le
khoebisano esita le ho holi-
sa bohahlauli.

A re ba phela nakong
eo lefatše le tobaneng le
litlamorao tse bosula tsa
pheto-phetoho ea boemo
ba leholimo, 'me ke ka ba-
cha feela ba ka fumanang
litharollo tsa moshoelella
qholotsong ena: ha ba ka
sebelisa litalenta tsa bona
tsa boqapi le boetapele ho
tlisa liphetoho.

Mohokahanyi oa mokhat-
lo ona ho tsoa Naheng ea
Botswana, Topo Koena o
itse bacha ba bohlokoa ka
ho fetisisa lefatšeng ka bo-
phara le hoja e le bona ba
tobaneng le liqholotso tse
ngata ho feta batho bohle.

A re ke ka bonngoe le boi-
kopanyo feela ba ka hlohang
mathata ao ba kopanang le
ona, kaha linaha tse ngata
tse seng li na le lintlafatso li

ile tsa loaneloa ke bacha.

A re bongata ba bona
ba lutse hae ka mangolo
a thuto ka lebaka la tlho-
kahalo ea mesebetsi 'me
sena ke sesupo sa hore ba
kenya letsoho mathateng
ao ba leng kahar'a ona ho-
bane ba khetha batho ba
sa utloisiseng litlhoko tsa
bona e le bacha.

E mong oa bacha ba
bileng le seabo litabeng
tsena, Ralebitso Masenye-
tse o hlalositse hore bacha
ba Lesotho ba leka mek-
hoa eohle ea ho kena lip-
olotiking empa ba baholo
ba ba qhela ka litsoe le ho
sebelisa seeso-oeso khi-
rong tse ngata.

O re Lesotho ha u le
morui o rua haholo ha u le
mofutsana o futsaneha ho
isa lefung. A re lipolotiki tsa
naha ena li malimabe ho-
bane ka lebaka la bohloki
le nakong tsa boiketo ho
sebelisoa bacha hampe
empa ho sa fetoloe bophe-
lo ba bona ba moshoelella.

Mokhatlo ona ke mokhat-
lo o kopantseng bacha ba
linaha tse ka bang 55 tsa
Afrika ka sepheo sa ho the-
ha bonngoe le ho thakela-
na ka malebela litabeng
tsa moruo le ntšetsopele
ea moruo.

MOELETSI O TŠEHETSA BACHA

Tšeliso Thakholi

Kajeno re tliš'o bua ka mesebetsi e meholo ka ho fetisisa kahar'a litereke tsa Maseru le Quthing eo Thabo Moitšepi a ipabotseng ka eona ea tlhahiso ea mesebetsi le ho phallela malapa a tlokotsing ka lijo, ka Kampani ea hae e bitsoang Moitšepi Farm Production PTY Ltd.

Morero o moholo e ntse e boetse e le ho khothaletsa bacha haholo-holo ba sa tsoa fumana mangolo likolong ka ho fapakana ha tsona hore ba se tšepe ho hiroa feela, empa ka litsebo tseo ba nang le tsona ba itlhaahisetse mesebetsi molemong oa ho iphelisa. Moitšepi Farm Production e hlalisa Polish e ntšo ea lieta, k'habeche le litapole.

E le ho utloa haholoanyane ka tšebetso ea khoebo ena le ho tsebahatsa mosebetsi oa eona oa temo le ho etsa polish Moitšepi o li beha tjena:

QALEHO

Hantle-ntle ke holetse lapeng le neng le kolla ntsi hanong, e leng lelapa le hlokanang leo 'na le bana b'eso re hotseng, re thusoa ke Mokhatlo oa World Vision. Ke rata hore pele ho lintho tsohle ke lebohe Mokhatlo oa World Vision, 'me ke kopa Morena Molimo a o ekeletse halekholo. Kanete ho ne ho le thata haholo ha re ntse re hola.

Taba ena e ile ea tukisa tlhase ea lerato la khoebo e neng e se e ntse e le teng ka ho 'na ea hore ka letsatsi le leng ke lakatsa ho iphumana ke e-na le khoebo, e le hore ke tle ke se ke be ka bona bana b'eso, sechaba sa h'eso seo ke phelang le sona kapa 'na ke iphumana ke phela tlokotsing e joalokaha re ntse re hola. Ke ha e tla re ha ke qeta sekolong mollo oa lerato la khoebo o ileng oa tuka ka ho 'na ka qala khoebo ea ho hlahisa polish eo ke lakalitseng hore re ke re tsepamise maikutlo holima eona, 'me hamorao ea e-ba ea temo ea meroho le litapole.

TLHAHISO EA POLISH

Tlhahiso ea polish ha se ntho eo ke e etseng sekolong, ke taba ea boqapi feela. Ntho e ileng ea ntšutsumetsa hore ke qetelle ke qalile ke hore ke ne ke le masimong ka letsatsi le leng, ke ntse ke lema 'me hone ho e-na le 'wax' e haufinyane le 'na ke ntse ke tlotsa seeta sa rifi seo ke neng



ke se roetse ka eona.

Ka hlokomela hore e etsa hore rifi e se ke ea amohela metsi a thelle le ho benya; ke eona ntho e ileng ea qetella e entse hore ke etse polish ena. Ka bokhutšoanyane nka re ke talenta kaha ke ntho e itletseng feela joalo, 'me ka be se ke batla lintho tseo nka li kopanyang le 'wax' ho etsa polish. Ho fihlela hajoale ke etsa polish ea boemo bo holimo haholo e ntle, e etsang hore lieta li benye li be ntle haholo.

Mofuta oa polish ea ka o fapakana hole haholo le tsena tse ling hobane o tsoakehile ka makhetha, ho bentša lieta, ho tsoarella nako e telele le hore metsi a se ke a kena habobebe lieteng e le hore li tle li se ke tsa senyeha.

'MARAKA

Ho fihlela hajoale lihlahisoa tsa rona tsa polish ha li e-s'o fumanehe kahare ho likhoebo tse kholo, re ntse re rekisetsa batho ka bo-mong. Empa takatso ke ho bona re se re tseba ho fepela likhoebo tse kholo ka lihlahisoa tsena tsa rona.

MORERO

Morero oa ho theha khoebo ena ke tlhahiso ea mesebetsi empa o moholo ka ho fetisisa ke hore ho latela kholo eo ke ileng ka hola ka eona, taba-tabelo ea ka ke hore joakaha le 'na ke ile ka thusoa ho tloha bonyenyane ba ka, ke ipone ke le ea thusang malapa a tlokotsing.

Le hona mona ke leboha Morena Molimo haholo hore e be ke atlehile ho fihlela morero ona kaha ke ile ka atleha ho fa malapa a 17 a tlokotsing meroho le litapole, ka tataiso ea World Vision le Social Development. Ke tla 'ne ke tsoele pele ka morero ona oa ka

oa ho thusa batho bohle ba hlokanang ka kampani ena ea haeso.

LIKATLEHO LE LIQHOLOTSO

Ke se ke atlehile ho tsoaka polish ka lintho tse etsang hore e be ea boleng. Taba ena ke ketsahalo ea bohlokoa haholo. Ka mantsoe a mang re bahlahisi ba polish ea maemo a holimo haholo. Liqholotso tseo re kopanang le tsona ke tlhakahalo ea thepa e etsang polish ena e leng wax ea linotši. Ha e fumanehe habobebe hoba moo re neng re ntse re e nka teng, ho barui ba linotši re fumane hore ba etsa litlolo tsa mahlong le meriana ka eona, 'me re sokola ho e fumana.

Qholotso e 'ngoe ke hore libotloloana tseo re tšelang polish ka ho tsona li khohlo haholo, 'me re hloka tse lekaneng hantle tseo re tla tseba ho hlahisa polish e ngata. Re se re bile re entse kopo ho Sebatatso hore re thusoe ka tse lekaneng hantle le mabokose a 50 a linotši ao re tla tseba ho itlhaahisetse wax.

TORO

Hona joale mosebetsi oa ka ha o e-s'o kene kahar'a mabenkele a manyenyane le a maholo, 'me ke takatso ea ka hore re iphumane re se re rekisetsa bahoebi ba baholo polish naha ka bophara. Re batla ho bona polish e se e sa latoe kantle ho naha. E kholo ka ho fetisisa ke ho fumana sebaka se sehlo moo re tla ba le feme e tla hlahisa polish.

BACHA

Hajoale ke na le mocha a le mong eo ke sebetsang le eena nako eohle le ba bahlano ba nakoana. Ho latela tlhakahalo ea mesebetsi ke khothaletsa bacha ho

se nyahame kapa hore ha a tsoa sekolong e be o se a sheba boemo ba lengolo la hae kapa mosebetsi oo a ithutetseng ona sekolong. Hona joale mosebetsi ea ho ea ka liofising ha e sa le eo,

har'a khoebo 'me le kopana le qholotso ea hore likhoebo tsa lona li putlame, le se ke la nyahama kapa hona ho lahla tšepo. Le qale qalong le se le bone hore na hantle bothata bo bile hokae.



'me le moo e bang e teng 'musong mona e'a fokola e ke ke ea re lekana kaofela. Ke khothaletsa bacha ho iqalla mesebetsi eo e leng ea bona eo ba tla tseba ho ba le liofisi tseo e leng tsa bona. Bacha ha le kene ka-

Joale bacha ba bang b'a nyahama ha ba kopana le mathata litabeng tsa khoebo. Tsebang hore ha ho tsele e se nang moepa ka hoo le lokela ho ba le mamello, tiisetso le lerato la mosebetsi oa lona.

KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li iphumane ba bue le Moeletsi oa Basotho ho:

newsroom@moeletsioabasotho.co.ls
kapa nomorong ea WhatsApp
ea +266 62600983 ho arolelana
le bacha ba bang ba nang le khahleho ea ho qala khoebo,
empa ba sa tsebe ba ka qala joang.

Mahlohonolo lihlahlobong

Nthabeleng Seithheko

Lekala la Thuto le Koetliso le phatlalalitse boitokisetso ba lona sebakeng sa lihlahlobo tsa mapomelo lihlopheng tsa bosupa le mokhahlelong oa Lengolo la LGCSE. Litaba tsena li phatlalalitsoe 'mokeng oa bo-ralitaba oa la 7 Loetse monongoaha

Letona la Thuto le Koetliso, Prof. Ntoi Rapapa o itse ba ananetse boikitlaetso ba bahlanka ba lekala la habo le Lekhotla la Lesotho la Lihlahlobo(ECoL) ka ho batlatsa mabala ho netefatsa hore baithuti ba fumana thuto ea boleng. O itse ka ho khetholoha o thoholetsa ECoL ka boikitlaetso bo bohlo ba ho etsa mosebetsi o boima oa ho lokisetsoa lihlahlobo tsena.

A re selemo le selemo e jara boikarabello ba ho netefatsa hore lihlahlobo li etsoa ka bokhabane le ka ponatletso. A re selemong sena ba ananela boitokisetso ba

bona bo phethahetseng ho tloha ngolisong ea baithuti, khatisong e sireletsehileng le kabong ea lipampiri tsa lihlahlobo, ho isa koetlisong ea batsamaisi ba lihlahlobo.

A re selemong sena ke baithuti ba 34, 780 ba tlii'ngola lihlahlobo tsa mapomelo Sehlopheng sa bosupa, ha ba 15,700 e le ba lebelletsoeng ho ngola mokhahlelong oa LGCSE.

A re selemong sena ho boetse ho na le setla-bocha se tekong, boemong bo mahareng moo baithuti ba 40 ba tlang ho ngola lihlahlobo lithutong tsa mahlale le lipalo e le ho fumana lengolo boemong bo mahareng.

A re boithuto bona bo tla ba fana ka hore na ba mae-mong a joang e le hore ba tiise moo ho khoehlang pele ba ka qala lithuto tsena ka bophara likolong tse khethiloeng.

A re haele lihlahlobo tsona li tla qala ka la 7 Mphalane ka ho fapakana ha tsona, 'me li lebelletsoe ho fella ka la 13 Pulungoana monongoaha. O itse ke litichere tse fetang 700 tse tlang ho tsoaea bana selemong

sena, 'me sena se tla etsa-hala mafelo a khoeli ea Pulungoana ho isa bohareng ba Tšitoe monongoaha.

A supa hore hang kamor'a moo lekala le tla qalella ho ntša sephetho.

Letona le ile la ananela bohle ba kentseng letsoho ho netefatsa hore mosebetsi oona o tsoelapele ho kenyeletsa mekhatlo ea machaba, likhoebos tse ikemetseng, libanka esita le litsi tsa thuto

e phahameng. Le qeteletse ka ho lakaletsa baithuti ba tlang ho qala lihlahlobo katleho le mahlohonolo.

E mong oa Litichere Likolong tse Ikemetseng Releboile Hlalane o bontšitse hore ho bohlokoa ho likolo ho tsoara litaba tse amang lihlahlobo ka tsela e tla bolokela ECoL seriti.

A re likolo li lokela ho hlomphe melao le melaoana e tsamaisang lihlahlobo tsa

mapomelo ka tsela ea boleng bo phahameng kaha li tšepetsoe ho otlatho kamoso le bona ba lebelletsoeng hore ebe batho ba boikarabello bo phahameng.

A re bahlahlobi 'moho le litichere ba lokela ho ba hloahloa le ho ba seli ha ba ea ba lebane le lihlahlobo hobane ho hloleha ho etsa joalo ho ka baka mathata a mang kamoso.



Basotho ba tla aheloa matlo

Nthabeleng Seithheko

Koporasi ea Ntlatfatso ea Bolulo le Mobu (LHLDC) e thehile selekane le Banka ea Poso Lesotho, ka sepheo sa ho khahlamet-sa batho ba fumanang meputso e tlaase ka matlo. Litaba tsena li bile ka la 3 Loetse monongoaha.

Ha Mookameli oa LHLDC, 'Malesekele Matekane' a ekelitse ka hore koporasi ea habo e tšepetsoe ho etsa mesebetsi e meraro eleng ho ahela batho ba meputso e tlaase ka matlo, ho fana ka litša esita le ho hirisa a seng a ahiloe.

A re tona-kholo o ile a etsa boitlamo ba ho ahela Basotho matlo 'me selekane sena ke mohato oa pele oa ho phethahatsa tšepiso eo. A re joaloka koporasi ba ikemiselitse ho tšehetsa Mosotho e mong le e mong ea fumanang moputso o tlaase.

Ha Mookameli oa LHLDC, 'Malesekele Matekane' a ekelitse ka hore koporasi ea habo e tšepetsoe ho etsa mesebetsi e meraro eleng ho ahela batho ba meputso e tlaase ka matlo, ho fana ka litša esita le ho hirisa a seng a ahiloe.

A re tona-kholo o ile a etsa boitlamo ba ho ahela Basotho matlo 'me selekane sena ke mohato oa pele oa ho phethahatsa tšepiso eo. A re joaloka koporasi ba ikemiselitse ho tšehetsa Mosotho e mong le e mong ea fumanang moputso o tlaase.

A supa hore ho ne ho se bobebe ho batho ba meputso e tlaase ho fumana mekitlane ea matlo libankeng 'me 'muso o ile oa ikeletsa ho fereha banka ena ho ba khahlametsa. A re matlo ana a tla ahoa feela libakeng tse raliloeng ke 'muso 'me har'a tse ling, a na le litšebelsetso tse kenyeletsang motlakase, metsi, likhoerekhoere le litsela.

O entse kopo ho Basotho bohle ho qoba ho ipeha libakeng tseo ba sa li abeloang kaha seo e le tlolo ea molao e ka ba kenyang khathatsong. A re bothata bo bohlo ke ba Basotho ba

rekisang litša masimong a bona ntle le ho rala ebe ha morao matlo a joalo a angoa ke likhohola. A eletsa Basotho ho ikamahanya le methati e nepahetseng pele ba rekisa litša masimong a bona.

Motlatsi oa Mookameli oa Banka, 'Mamahanetsa Mahanetsa' o hlalositse hore sena se reretsoe ho nanabetsa letsoho le ho thusa Basotho bohle ka lichelete sebakeng sa ho aha matlo. A re kahar'a selekane sena, boitlamo ba banka ea habo ke ho fana ka litšebelsetso tsa lichelete, ha koporasi eona e kene ka boitlamo ba ntlatfatso ea mobu le bolulo.

Mookameli oa Banka ea Poso Lesotho, Mopeli Mokhachane o hlalositse ha ba le motlotlo e le banka ho kena selekaneng sena kaha se ba fa monyetla oa ho etsa letsoho la monna tšireletsong le boiketlong ba sechaba.

A re banka e ikitlaet-sa kamehla ho bebofatsa bophelo ba sechaba ka litsela tse ngata. A re bona ba alimana ka chelete thekong ea matlo ana a seng a ahiloe libakeng tse hloahiloeng ke 'muso. A toboketsa hore mosebetsi oa banka ha se

feela ho alimana ka chelete empa ho kenyeletsa le thepa ea ka tlung le likoloi.

O itse ha mong'a mokitlane a ka hloka-hala, mokitlane o joalo o ke ke oa sala le ba lelapa kaha o se o kenyelelitse le litšenyehelo tsohle.

oporasi ba ikemiselitse ho tšehetsa Mosotho e mong le e mong ea fumanang moputso o tlaase.

A supa hore ho ne ho se bobebe ho batho ba meputso e tlaase ho fumana mekitlane ea matlo libankeng 'me 'muso o ile oa ikeletsa ho fereha banka ena ho ba khahlametsa. A re matlo ana a tla ahoa feela libakeng tse raliloeng ke 'muso 'me har'a tse ling, a na le litšebelsetso tse kenyeletsang motlakase, metsi, likhoerekhoere le litsela.

O entse kopo ho Basotho bohle ho qoba ho ipeha libakeng tseo ba sa li abeloang kaha seo e le tlolo ea molao e ka ba kenyang khathatsong. A re bothata bo bohlo ke ba Basotho ba rekisang litša masimong a bona ntle le ho rala ebe ha morao matlo a joalo a angoa ke likhohola. A eletsa Basotho ho ikamahanya le methati e nepahetseng pele

ba rekisa litša masimong a bona.

Motlatsi oa Mookameli oa Banka, 'Mamahanetsa Mahanetsa' o hlalositse hore sena se reretsoe ho nanabetsa letsoho le ho thusa Basotho bohle ka lichelete sebakeng sa ho aha matlo. A re kahar'a selekane sena, boitlamo ba banka ea habo ke ho fana ka litšebelsetso tsa lichelete, ha koporasi eona e kene ka boitlamo ba ntlatfatso ea mobu le bolulo.

Mookameli oa Banka ea Poso Lesotho, Mopeli Mokhachane o hlalositse ha ba le motlotlo e le banka ho kena selekaneng sena kaha se ba fa monyetla oa ho etsa letsoho la monna tšireletsong le boiketlong ba sechaba.

A re banka e ikitlaet-sa kamehla ho bebofatsa bophelo ba sechaba ka litsela tse ngata. A re bona ba alimana ka chelete thekong ea matlo ana a seng a ahiloe libakeng tse hloahiloeng ke 'muso. A toboketsa hore mosebetsi oa banka ha se feela ho alimana ka chelete empa ho kenyeletsa le thepa ea ka tlung le likoloi.

O itse ha mong'a mokitlane a ka hloka-hala, mokitlane o joalo o ke ke oa sala le ba lelapa kaha o se o kenyelelitse le litšenyehelo

Motse o fetoha lesupi

Nthabeleng Seithleko

Mokhethoa oa L e b a t o o a la Hloahloeng Mohale's Hoek, Katleho Mabeleng o re 'muso o lokela ho hata ka matla o hlome motebo oa Sepolesa kapa oa Sesole, ha habo kaha sechaba se tsohelana matla. O boletse tsena puisanong le Koranta ka la 8 Loetse monongoaha.

Mabeleng o hlalositse ka pelo e bohloko hore ho chele matlo a tšeletseng, likolo tse 13 le linku tse 15 kamor'a hore ho qhome ntoa lipakeng tsa baamani ba neng ba tseka ho lema tšimo, ka la 3 Loetse monongoaha.

O re taba ena e ile ea baka qoaketsano lipakeng tsa bao, hoo ba ileng ba loana e mahlo mafubelu, 'me malome a qetella a bolaile mocha eo ba neng ba tseka ho lema tšimo le eena.

"Ha kena tsebo ea hore pejana ba ne ba sebetso joang, empa ketsahalo ena e bolutu hobane e amme bophelo ba batho le malapa a bona." Ke Mabeleng eo.

O bontšitse ha malome a ile a inehela sepoleseng kamor'a ketsahalo empa ba lehlakore la mochana, ba tloha motseng oa habo bona ba hlasela motse oo malome a lulang ho ona, 'me ba bolaea ngoetsi, ba chesa matlo le ho bolaea liphoofofo.

"Batho bana ba entseng ketso tsena ba balehile, ha motse ona o setse e le lesupi 'me ha ho le ea mong ea tšeroeng." A hlalosa joana.

Hona ketsahalong tse-na tse bolutu, o hlalosa ha kaholimo ho lilomo sebakeng se tšoanang, ho ile ha khakhathoa mosali ka sabole. A re ba ile ba tlalehela sepolesa se ileng sa kopa banna ba motse ho isa lito-po 'moshareng, empa bao ba latola kaha mofu a loke-la ho nkoa ka mampara ho latela bohole ba sebaka.

O re ho bonahala boiph-etetso kaha'a sechaba, ka hoo ho bohlokoa hore 'muso o romelle sesole sebakeng seo kapa ho etsa motebo oa sepolesa hobane litlaleho tsa litlolo tsa

molao li haketse.

"Ho latela bohole ba se-baka sena le litšebeletso, linokoane li iketsetsa borata li be li tsamaea, joalokaha litlaleho tsa lipolao li atile le tsa lipeto ho tšoana feela, tharollo ke hore ba sebet-sanang le molao ba be hau-fi." A hlalosa joalo.

O tsoetsepele hore bao ba ile ba etsa seo ba se ratang hobane ba tseba hore motebo oa sepolesa o hole, hoba ba nka nako ho fihla hobane ba khotse phalo kaofela, ha sesole se hlalositsoe se sitiloe ho thusetsa ho latela moea o neng o le sebakeng seo ba sitoa ho theoha hobane se-roala-nkhoana se sitoa ho lula.

O re ho bonahala 'muso o rata ho etsa lintho kamor'a kotsi le tahlehelo ea bophe-lo ba sechaba, kaha esale a itela ho ona le paramente ka makhetlo a hlalosa bo-emo ba Hloahloeng, ba sa ikamahanye le litaba tsena.

A re Hloahloeng ho hlo-kahala motebo oa Sepolesa le litsela hore sechaba se tsebe ho fihlela litšebelet-song habonolo empa ntho



thuse, 'muso o lokela ho sisinyeha o loanele le ho sireletsa sechaba sa tikoloho ena, kaha le sona e le batho ba lokeloa ke li litšebeletso tse tsoileng matsoho, kaha metse e fetoha lithako ke lintoa tsa sechaba." Ke ha phethela litaba tsa hae.

Mokanselara oa Seba-ka sena, Thabo Letlala ED

ea boahelani, ba sia bolutu motseng." ke Thabo eo.

O re ha se khale haholo ha ho bolailoe mohlankana sebakeng sena, eleng se ileng sa baka bolutu 'me ha joale malapa a setse ka meokho ha ba bang ba hlo-ka lehae ho bile ho pheloa le ka letsoalo. A re ba kopa ho tla thusoa ka tlhabollo

O lebohile mokhethoa oa bona ka ho ema ka maoto ka linako tsohle, kaha taba eo e ba khotatsa kamehla hobane o teng masimong hole, o sebeletsa ho bona hore ba fuoa thuso joalo-kaha a ile a ema ka maoto nakong ena e boima a bile a ntse a eme le bona. A re ekare 'muso o ka sebeletsa libaka tsohle ho se khethollo ea hore lebatooa ke la mokha ofe hobane bohle ba hloka lintlafatso.

"Litaba tsena li lokela ho sebetsoa ka nako, kaha li tl'o baka boiphetetso ba sechaba ho ea pele." A rialo. A re ntho e bohloko ke hore bana ba amehile ka likelelong le ho phela ka tšabo ka hoo ba kopa tšireletso.

Ka lehlakoreng le leng, e mong oa baahi sebakeng sena, Makhaola Rabolou o hlalositse hore litaba tsena li ba amme hampe hobane ba phela ka letšoalo la hore ba ka 'na ba hlaseloa neng kapa neng hoo ba seng ba hana ho utloa mokhoathat-sa feela.

"Tsietisi ea rona ke hore beng ba liketso tsena ha ba e-s'o tšoaroe 'me ba ka qetella ba khutla ba etsa liketso tsena hape." Ke Rabolou eo. A kopa 'muso ho ba potlakela ka motebo oa sesole kapa sepolesa hore ba sireletsehe, kaha o teng o le hole haholo.

Liketso tsena tsa ntoa ea baahi le lithaselo li hlaloso a li bile Motseng oa Tesi Sitsikitsing, Lebatooeng la Hloahloeng Seterekeng sa Mohale's Hoek, ka la 3 ho fihlela ka la 5 Loetse monongoaha.



e bohloko e le hore mesebetsi e etsoang e nyahlatsoa har'a nako ho sa shejoea tlokotsi ea sechaba.

O re taba ena o e bua hobane tsela e kenellang sebakeng sena e ne e ntse e lokisoa empa ba matleng ba nkile thepa ea sebetso lebatooeng la Phamong hona Mohale's Hoek, ha mosebetsi o neng o etsoa ha habo o nyahlalitsoe ka lehare.

"Sechaba se pelo li bohloko se qetella se sa

Sitsikitsing Hloahloeng, h'a buisana ka mohala le Koranta o hlalositse hore liket-sahalo tsena tse bolutu li supile sechaba se phelang ka letsoalo le bana ba se ba tšaba ho ea sekolong, ebile ba tsietsing hore na bana ba tl'o ngola joang. O re seo ba se hlohang ke tlhabolloa le motebo oa sepolesa hobane linokoane li iketsetsa borata.

"Bohloko ke hore beng ba liketso tsena, b'a li etsa ebe ba balehela naheng

hobane taba ena e baketse sechaba bolutu hoo e ka lebisang le boiphetetsong ho bana kholong ea bona.

"Hore motho a fihle litšebeletsong o tsamaea lihora tse 8 ho isa ho tse 10, hore a fihle Setsing sa Bophelo o tsamaea tse hlano kapa tse robeli ha e le bafu bona re ba jara ka mahetla. Re sotlehile empa re le karolo ea Basotho, e se e ka 'muso o ka re ntša tlokotsing oa abela litlhoko tsa rona." O hlalosa joalo.

Ba keteka ka ho ntlafatsa tikoloho



Nthabeleng Seitlheko

Ele ho matlafatsa tikoloho Lelapa la Botlotlehi, Tona-Kholo hammo- ho le karolo ea matona, le bahlanka ba ‘muso ba etel- letse pele ketekelo ea Let- satsi la Boipuso ka temo ea lifate le ho fothola sehalaha- la kaholimo le mesikong ea Thaba- Bosiu ka la 4 Loetse monongoaha.

Mosebetsi ona o re- retsoe ho akofisa paballo ea makhulo le khoholeho ea mobu kaha ho bonahetse sehalahala se mela ka bong- ata thabeng ena.

Mokhethoa oa Lebatooa la Thaba-Bosiu, Isaac Male- baleba o hlalositse hore mohato ona ke oa bohlokoa kaha o tla boloka seriti sa thaba e tsoereng nalane ea Basotho. A re e le moetapele oa sechaba o tšepisa hore sechaba sa habo se tlii’o

hlokomela lifate tseo hore li hola hantle ho se tšenyoe ka bakoang ke batho kapa tsona liphoofole.

A re ba motlotlo hore ebe taba ea tlhokomelo ea tikoloho ena e ipheta khafetsa, ‘me o tla sebetsa le Morena oa Sehlooho le bakhethoa ba puso ea liba- ka ho netefatsa hore lekhulo le’a bolokeha hammoho le ho thibela khoholeho ea mobu.

A re ho bohlokoa ho lema lifate mosikong oa thaba kaha li tla thibela khoholeho ea mobu, hape li tla thusa ho boloka sebaka sena e le hore bahahlauli ba se fuma- na se le maemong a matle ka nako tsohle le tsela e tsamaeha ho ea fihla ka ho- lim’a thaba.

A re mosebetsi ona e ka re o ka etsoa nako le nako eseng ka ketekelo ea boi- puso feela etsoe sehalahala se senya lekhulo.

Mobishopo oa Tikoloho ea Mohale’s Hoek Mohlomphe- hi John Joale Tlhomola SCP

ho tsoa Lekhotleng la Liker- eke tsa Lesotho (CCL) o itse boipuso ke nako eo ka eona Basotho ba lokelang ho itla- ma ngatananngoe ba hetle morao leetong la naha. A

pitso sechabeng hore ho phele toka, tšepo le khotso letsatsi le letsatsi.

A re Lesotho le tšoea lilemo tse 59 tsa boipuso, ‘me le kena lilemong tse 60

itseng le ho sebelisoa kere- keng ka Sontaha sa makala hape li na le monyetla oa ho thibela khoholeho ea mobu haholo mesikong ea lithaba.

A re lifate tseo ba li lemanang



bontša ha e se bolele fee- la tokoloho khahlanong le puso ea bokoloni empa ke

e leng tsa Jubilee a tšepo, eo ka eona takatso e leng hore Basotho ba tla kena ka moea o le mong. A re ke nako ea hore baetapele ba naha ba ahe sechaba ka bosebetsi ho hlola likaro- hano tse ka bakang pher- ekano kahar’a naha. A re boipuso ba sebele bo bolela hore sechaba se boloke le- fatše la sona joaloka mobu, metsi le lihloliloeng tse ling.

Setsebi sa Meru Lekaleng la Tikoloho le Meru, Lep- hallo Makhotla o hlalositse hore ho lenngoe lifate tse 100, ‘me tsona ke cheche, tšinabelo le mohloare. A re lifate tsena li tsebahala ka ho khabisa tikoloho empa li na le mesebetsi ea tsona e ikhethang joaloka ho phe- ola sefuba, mafu a mang a



moo li khabisa tikoloho ke ka hoo ba khethileng tsona hape ebile e le lifate tsa tl- hololeho tseo ba lakatsang hore li se fele kahare ho naha.

A re sehalahala se fo- thotsoeng kaholim’a thaba, lekala le rerile hore se tle se sebelisoa ho etsa mashala kaha ba se ba fumane hore se ka etsa mashala.

Tšebetso ea temo ea lifa- te e bile Seterekeng sa Qa- cha’s Nek le Botha-Bothe, ‘me eona e etelletsoe pele ke a mang a matona a ‘Muso oa Motlotlehi e ntse e le ho keteka boipuso le sechaba sa libaka.

Naha ea Lesotho e ile ea fumana boipuso ka la 4 Mphalane 1966 kamor’a ho busoa ke Manyesemane.






Across

- 4 “Morena ke morena ka” (7)
- 5 Mor'a Morena Letsie 1, ea hlokahalletseng Mafeteng ka selemo sa 1905. (9)
- 9 Mor'a Moshoeshoe I ea hlahileng ka selemo sa 1870, a hlokahala ka selemo sa 1891. (6,1)
- 10 Folakha ea pele ea Lesotho (1966–1987) e neng e na le letšoao la le maru a matšo, e le pontšo ea khotso. (7)
- 11 Ntat’a Morena Moshoeshoe II. (6,8)
- 12 Ka 1884, Basutoland e ile ea etsoa sebaka se busoang ka kotloloho ke (Crown Colony). (11)

Down

- 1 Selemo sa 1965, ho bile le nalane kapa ketsahalo ea pele lipolotiking tsa Lesotho.(8)
- 2 Khoeli e tšoeang boipuso. (8)
- 3 Tona-Kholo ea pele ea Lesotho. (6,8)

- 6 Morena oa pele oa Lesotho e le naha e ikemetseng. (10,2)
- 7 Puso e bileng teng ka selemo sa 1986. (6)
- 8 Lesotho pele ho boipuso. (10)





TSA KEREKE

E koala potoloho

Staff

Leetong lena la ho binela Morena ka makhetha le ka nyakallo litšebelatsong tsena tsa kereke, ho na le litho tse ling tse ileng tsa khathalloa ke pere tseleng tsa lula fatše, empa leha ho le joalo ho bile le tse ileng tsa tiisetsoa tsa se ke tsa nyahamisoa pelo ke litsietsi leha tsela e ne e le thata, eaba li oa li tsoha le kopano ea Cecilia lilemo tsena tse fetang 50. Ana ke mantsoe a Fr. Clement Semethe Tšita OMI h'a ne a koala potoloho ea Kopano ea Cecilia ea Halalelang

hore ke masole a Kriste, ke tomoso hore e lomose phutheho ea Morena Molimo hore e bine ha monate. A re Cecilia o re tlohelang tsa mafifi, tsamaeang leseling le tšoare lihlomo tsa lona tsa tumelo le se ke la bine-la Morena fela bophelo ba lona bona bo tsamea thoko koana, ha le etsa mosebetsi le se lebele thoriso, empa le be tomoso ea bophelo ba bakriste ba bang. A re Cecilia o ile a tsamaea tsela e thata, a feta hara matšoenyehong a mangata. A re ba tsoelepele ho sokola bana ba bang joalokaha Cecilia a ne a etsa, 'me o lumela hore liqhoku tsena li entse joalo ke ka hoo kopa-

basebeletsi, 'me ha re etsa mosebetsi ha re'a tlameha ho fumana tlotla efe kapa efe empa ha re ka fuma-na lithohako le lithoriso re tsebe hore ke hona ha ho nepahetse. "Lentsoe la Molimo le re tiisetsoang, phehellang, tsosolosang tumelo ea lona, le phele ka lerato le boitsoaro. Ka hona le tsebe eo le mo sebeletsang ha ka ba rata thotlolo, ha ka batla ho sebeletsoa empa e ile ea e-ba eena ea sebetsang." A rialo.

A re re etsise baapostola bao itseng ha ba imetsoe ba ileng ba re Morena a ba eketse tumelo, ka ho tšoana le rona re le bakriste re ka kopa ho eketsoa tumelo hore re tsebe ho jara lifapano tsa rona. A phethala ka hore thapelong ea



boemong ba Deanery ea Mazenod ho bile ho tlotloa liqhoku tsa kopano. Tsena li bile 'mishoneng oa St. Louis Matsieng ka la 5 Mphalane monongoaha.

Litšebelatsong li ile tsa qala ka Sehlabelo se Halalelang sa 'Missa se bile se eteletsoepele ke eena Fr. Clement OMI e le monga 'mishone. Khothatsong ea hae o boletse hore litho tsena e se e le lipelesa tse meja, 'me li se li bina joaloka Moapostola Paulosi h'a ne a re: 'Ke titimile ke qetile sebaka, ke loanne tsa tumelo.' 'Me bona ba saletsoe fela ke hore Morena a nke meea ea bona hoba ba sebelitse ruri. A re matšoenyeho a ba tsofetseng a mangata-ngata empa ke mona Morena Molimo o ntse a e-na le bona.

A re Kopano e hopole

no ena e ntseng e phela le hona ho hola.

H'a tsoelapele o re liqhoku tsena o li tšoantša le Habakuke ea neng a botsa Molimo lipotso, joale a bona a lieha ho araba, 'me le bona ho latela lilemo tsa bona e ka 'na eaba ho joalo, ba ntse ba re Morena Molimo re sotlehile lefatšeng mona ke lithekefetso. A re moprofeta o ile a nka matšoenyeho a hae a isa ho Morena Molimo ka hona le bona ba etse joalo. A re ho bakriste ha ba bona litaba li tsamaea hampe ba li behe ho Molimo, o tla ba arabela ka nako ea teng. A re Morena Molimo o sebetsa ka tsela ea hae a le mong fela eo ka nako e 'ngoe re ka liehang ho e hlokomela.

Ha kena evangelizing o itse e ruta ka hore re tsebe re

rona re ke re ikitlaetseng ho tšepahala ho Morena Molimo, re ke re be bahlanka fela ba tšepahalang le teng re se rate ho ba kapele ho mong'a rona.

Mookameli oa Kopano ea Cecilia boemong ba Deanery ea Mazenod Monghali Samuel Mabina o ile a re mosebetsi ona ke moralo oa bona oa ha selemo se ne se qala, hore ba ke ba hetle morao hore na kopano ena e tsoa kae. Ke moo ba ileng ba rera hore ba ke ba tlotle liqhoku le ho li leboha e leng ba qetileng lilemo tse 50 ho ea holimo, 'me ke liqhoku tse 27 kaofela tse bopiloeng ka limmishone tsa Deanery ea Mazenod. Kopano e koetse potoloho ea eona ka liqhoku tse 'ne e le tsa ho qetela tsa St. Louis Matsieng.

2024-2025 SELEMO C

SONTAHA SA 28 HAR'A SELEMO



Likhosi 5:14-17
Pesalema 97
2 Timothy 2:8-13
Luka 17:11-19



Khothatso

Lithoriso li tsoala thoriso le pholoho

Lipalong tsa kajeno re bona bohloko le tlhoriso tseo mohlomong re ka reng ha li bohlokoa empa li hloka hahala. Thutong ea Pele e nkiloeng lipale-khutšoeneng tsa moprofeta Elisha, ho hlaha molaoli oa mabotho a Syria ea bitsoang Naamane ea neng a e-na le lepera empa le sa mo sitise ho phetha mosebetsi oa hae. O ne a ile a leka meriana eohle e sa kang ea atleha hohihlela a romeloa ke khosi ea hae Israele ho moprofeta oa mojuda ea bitsoang Elisha. Khosi ea Israele e ile ea koata haholo kaha e ne e hopola hore ho thoe e phekole Naamane kapa ho tla nkha ho sa bola. Elisha h'a utloa litaba tsena a re Naamane a romeloe ho eena 'me khosi a etsa kamoo moprofeta a kopileng.

Joaloka molaoli oa leboho ho ne ho le lithlong haholo ho kopa thuso, 'me o ne a e-na le litebello tse holimo haholo. Elisha eaba h'a kopane le eena, ho feta moo a mo fa taelo eo a ileng a nka e nyelisa haholo; ho ithatsoa hasupa Nokeng ea Jordane. Ka ho tseba hore seretse sa Jordane se ka se bapisoe le metsi a hloekileng a habo Damaseka, o ile a hana. Kamehla likopo tsa Morena Molimo li tla ka mekhoe e kang ea bosoasoi ho rona, joaloka ho mamella baamani le rona ba likhathatso le ho iphapanyetso batho bao re ahisaneng le bona.

Kamor'a ho qophelloa ke bahlanka ba hae, o ile a etsa kamoo moprofeta a laetseng kateng. Eaba letlalo la hae le tšoana le la leseae, h'a ka hloeka 'meleng feela empa bothong bohle ba hae. Hang-hang a etsa lintho tse peli; a amohela Molimo oa Israele e le eena feela Molimo hape a iphumana a lokela ho fa moprofeta moputso o mo lokelang. Ha Elisha a hanne moputso oo a kopa ho nka mobu oa Israele ho ea le ona hae moo a tla tseba ho leboha Molimo oa Israele ho ona.

Papiso e hlahang Evangelizing ea Luka e batla e tšoana le litaba tsa Naamane; Kriste h'a le leetong la hae ho ea Jerusalema moo a il'o shoa teng o hauhela balepera ba 10 eo e mong har'a bona e neng e le Mosamaria. Ho ea ka Bajuda o ne a nkoa e se motho ho hang, le ho feta Balichaba feela. Pholiso ea Mosamaria e batla e tšoana le ea Naamane kaha e ne e se ea 'mele feela. Bobeli bona hape bo na le lintho tse tšoanang; ba folisitsoe naheng eo e seng ea habo bona, ba koptjoa ho etsa se khahlanong le bona ebe kaofela ha bona ba tseba ho bontša teboho.

Lengolo la Bobeli ho Timothy le bontša 'pholiso ea motho kaofela' e leng Paulosi eo e neng e le motšoarua 'me a fonanisa Timothy. Karolo ea pele ea lengolo lena e bolela hore Kriste o ile a tsosoa bafung, e leng seo e seng mohopolo feela empa matla a boteng ba Molimo. Mahloko ao Paulosi a fetileng ho ona, ha se mafeela-feelane empa a thusitse ho hasanya Molaetsa oa Litaba tse Molemo. 'Me ka lebaka la ona rea leboha.

Hangata re sitoa ho leboha e ka ba Molimo kapa batho ba re thusitseng, ka hona joaloka Naamane, Mosamaria le Paulosi re lokela ho leboha le ho tlotlisa botle bohle bo entsoeng ke batho sebakeng sa rona bao e leng lisebelisoa tsa Morena. Joaloka bona re tsebe hore bohloko bo bong le bo bong e ka ba mohloli oa thoriso le teboho hobane li ka tisa tlhohonolofatso kapa pholoho.

Tumelo e hlokanang teboho ha e'a fella hobane teboho e fetola bophelo bo tloaelehileng ho ea borapeling le tlhohonolofatso bopaking. Re se tšoaneng le bane ba robong ba sa kang ba leboha; empa re nke mohlala ho ea ileng a khutla 'me a tlotlisa Morena Molimo. Hobane ho bohle ba phelang ka lipelo tse tletseng teboho, letsatsi le leng le leng ho bona le fetoha le lecha le tletseng tšepo le thoriso.

Bahalaleli har'a Beke

13	Mphalane	Romulus
14	Mphalane	Donatian
15	Mphalane	Flavia
16	Mphalane	Lull
17	Mphalane	Mamelta
18	Mphalane	Luke

Highlanders e tšerema mangole

Tšeliso Thakholi

Lihlopha tsa mokhahlelo o ka tlase oa Liki ea A Division li qalile lipapali tsa tsona tsa Liki mabaleng a fapakaneng kahar'a naha ka sekahla se sehlo, ka ho papali tse tsoileng matsoho empa Sehlopha sa Bolo ea Maoto sa Qoaling Highlanders se phethetseng Liki ngoahola se le maemong a bobeli se bonahala se qalile lipapali tsa sona tsa monongoaha se tšerema mangole.

Sena se bonahetse papaling ea sona ea pele e qalang selemo sa lipapali, ha se ne se amohetsoe ke sehlopha sa 05 United Seterekeng sa Mohale's Hoek bekeng e fetileng. Ketsahalo e tšoanang ea boela ea ipheta ha se papali ea sona ea bobeli le bompoli ba Nedbank Cup e leng Quthing LMPS ha li ne li pitikisa mahe, papaling e bolutu haholo e bileng Lebaleng la Swallows, Mazenod Letsatsing la Phomolo ea Boipuso la la 4 Mphalane 2025.

E le ho fumana sesosa sa hore na sehlopha se neng se le matla hakana ngoahola mokhahlelong o ka Boroa oa Liki ea A Division ho etsahala'ng ka sona, motlalehi oa Moeletsi oa Basotho o ile a buisana le Mokoetlisi oa sehlopha sena kamor'a papali e neng e sa khahlise mahlo ea bona le Quthing LMPS, e leng Monghali Wright Mofoka ea ileng a bontša a sa qea-qee hore ho se sebetse hantle ha sehlopha ho tloha papaling ea bona ea pele ke ho qala sehlopha bocha ka libapali tse ncha tseo e leng hona ba ntseng ba leka ho bopa sehlopha ka tsona.

"Ke 'nete ha re'a papali hantle ho hang kaha e sa le sehlopha se secha haholo. Ntle le hore papaling ea rona ea pele re ile ra e hapa, re ne re batla re papali hantlenyana papisong le kajeno." A rialo a ntse a tiisa hore e hlile lintho li ne li se ka lehlakoreng la bona ho hang kaha ba bapetse papali e tšeremisang barati le batšehetsi mangole.

A re bothata bo boholo bo tjametseng sehlopha ke hore ngoahola ho bile le se papali se ileng sa ea sehlopheng sa Matlama, ha ba bang ba ba fokolitse hobane e se e batla e le batho ba



baholo, "me ra be re lumelana hore re ke re qale ka ba bacha e le hore sehlopha se tle se tsebe ho hola."

"Empa ha re e-tla papaling ea kajeno, motho o ne

o bona le ho papali feela e le bothata. Ha ke tsebe hore na e be ke bothata ba lebaka kapa ke'ng. Le bona ba LMPS bao motho o ba tsebang, le bona ba ne ba

se na papali e ntle le hoja ba ntse ba feletse ka libapali tsa bona tseo re ntseng re li tseba." A rialo a bile a eketsa ka hore lihlopha ka bobeli li bapetse bolo e sa

khahleng mahlo.

A re jolokaha e le libapali tse ncha tseo a bileng a sa qalang le tsona ho tloha sethathong kaha a qalile le tsona hona ha liki e se e ntse e tlii'o qala, o na le tšepo ea hore ha ba se ba ntse ba papali hangata ba tla qetella ba fihlile moo ba neng ba le teng ngoahola ka ho papali bolo e ntle.

"Ha re ka ba le mamello, eaba re ntse re sa lahleheloe ke lipapali, ra 'na ra fumana lintlha ra li akhela ka mokotleng, e tla etsa hore re tle re iphumane re se re le pele, 'me ntho e 'ngoe le e 'ngoe e se e batla e lumelleha." O boletse joalo a bile a qetela ka hore hona joale ke hona ba ntseng ba qala ho leka ho aha sehlopha se matla joaloka sa ngoahola, 'me ke hona ba ntseng ba iphumana butle-butle feela ka matla.

O arohana le Lioli

Tšeliso Thakholi

Bompoli ba Bolo ea Maoto Lesotho, Lioli 'Tse Nala' ba arohane le raliphatlatso oa bona ea hloahloa e leng Monghali Tankiso Moletsane 'Basden', ea ileng a sebetse ka lerato le ka boitelo ho holisa sehlopha ka ho se tsebahatse kahare le kantele ho naha. Moletsane o arohane le sehlopha matsatsi a se makae pele ho lipapali tsa Mohope oa Maluti Mountain Cement Charity Cup tse bileng Lebaleng la Bambatha, Maseru mafelong a tsoa feta a beke.

Botsamaisi ba sehlopha sa Lioli bo phatlalalitse hore raliphatlatso enoa ea hloahloa ea nang le lerato le tebileng la papali ea bolo ea maoto konteraka ea hae le sehlopha e ne e fihlile pheletsong, matsatsi a se makae ha ba khutla lipapaling tsa CAF Champions League Naheng ea Afrika Boroa, 'me o tlalehoa a ile a ikopela ho arohana le sehlopha kaha a fumane mosebetsi o mong oo ho ntseng ho e-s'o hlake hore na ke oa mofuta ofe.

Botsamaisi bo tiisitse hore ha ho liqabang tsa letho, empa Basden o itokototse ka khotso le ka tšebeliso 'moho e mofuthu. Ka hona botsamaisi bo lebohile ka tsela e khethileng bosebeletsi ba hae bo hloahloa. "Re sebelitse le eena ka

mofuthu a etsa mosebetsi oa hae ka lerato le ka boitelo bohle. Re bile re arohana le eena tjena re ntse re sebetse hantle ka likamano tse mofuthu." Ba rialo ba bile ba mo lakaletsa tselatšoeu hore moo a eang makhulong a matala ka moo ba a bitsang ka teng, a 'ne a tsoelepele ho sebetse kathata le ka boitelo boo ba ileng ba bona nako ea lilemo tse peli tseo ba ileng ba sebetse le eena.

Mohlanka ea ikarabellang Litabeng tsa Lipapatso le Mebaraka, Monghali Kananelo Ramokoatsi o tiisitse litaba tsena hore sehlopha sa habo sa Lioli, se arohane le Basden ka khotso ho se likhohlano tsa letho. A re karohano ea bona le kakapa ena ea bolo ha e'a ka ea e-ba taba e monate ho hang, ho latela tšebetso ea hae e tsoileng matsoho kahare ho sehlopha sa Lioli.

A re har'a e meng ea mosebetsi eo a neng a e fuoe, eo a ileng a etsa ka bokhabane le ka makhethe ke ho holisa le ho ntlafatsa makala a sehlopha sa Lioli kaha a ne a bonahala ho se ho e-na le mokhathala, 'me a se a sa sebetse hantle. "Mosebetsi ona o ile a o etsa ka makhethe a maholo 'me o tsamaea tjena a sebelitse ka matla a maholo hore makala a sehlopha a phele. Re mo leboha haholo 'me re se re mo lakaletsa katleho mosebetsing oa hae o mocha." Ke Ramokoatsi eo.

Ho sa le joalo, Kananelo Ramokoatsi o tla 'ne a sale a ntse a tšoare mosebetsi

eo e 'meli ho fihlela botsamaisi ba Lioli bo fumane raliphatlatso e mocha. Ho feta mona sehlopha sa Lioli ke bona bompoli ba Mohope oa Maluti Mountain Cement Charity Cup makhetho a mararo ka tatellano kamor'a hore ba hlale sehlopha sa Matlama ka 1-0, papaling ea makhao-la-khang e bileng Lebaleng la Bambatha, Maseru ka la 5 Mphalane monongoaha.

Papali ena e tlalehoang e bile le mefere-fere, Lioli e ikhaphetse chelete e kaalo ka M125,000.00 eo botsamaisi ba Lioli bo tlalehileng bo nkile mohope feela, ha chelete bo lebohile bakoetlisi le libapali tsohle tsa Lioli ka eona ho latela tšebetso ea bona e tsoileng matsoho eo ba e bontšitseng.

Bobeling e bile sehlopha sa Matlama ka M75,000.00 eo batšehetsi ba sona ba tlalehoang ba ile ba baka mofere-fere ka ho akhela linthoana-nthoana ka lebaleng nakong ea papali ea bona le Lioli, e le ha ba

nyatsa tse ling tsa liqeto tse ileng tsa etsoa ke mohlatsaphala 'moho le bathusi ba hae. Haele sehlopha sa LDF le Bantu maemong a boraro le a bone ka tatellano, tsona li ile tsa hlatsua mahlo ka ho khaketsoa chelete e kaalo ka M50,000.00 sehlopha ka seng.

Ho feta mona, tsa ipit-sang kahare ho Sehlopha sa Bolo ea Maoto sa Linare 'Tse Nala', li kuma hore raliphatlatso ea hloahloa oa sehlopha seo, Lebeso Molati 'Tsokotsa' ka moo a tsejoang ka teng eena o khethetsoe ho ba Hlooho ea Maneneo a Lipapali Se-ea-le-moeeng se tsoa thehoa sa Mapholi FM, se tlasa botsamaisi ba Monghali Lebohang Maketa. Molati h'a mocha haholo tšebetsong ena kaha a ile a sebetse nako e telele Se-ea-le-moeeng sa 357 FM. Ka tsela e tšoanang barati le batšehetsi ba lipapali ba mo lakaletsa katleho le mahlohonolo mosebetsing oa hae o mocha.



Likatola e'a terekoa

Tšeliso Thakholi

President ea Mokhatlo oa Lesotho oa Papali ea Rugby (FLR) Monghali Fetang Selialia o amohetse ka thabo e kholo thepa ea boleng bo holimo ea seaparo sa Sehlopha sa Naha sa Papali ea Rugby sa Likatola, ho tsoa ho Kampani ea Likhokahanyo ea Econet-Lesotho tšebeletsong e bileng Ntlo-Kholo ea Econet, Maseru ka la 8 Mphalane 2025.

Thepa ena eo sepheo sa eona e leng ho ntlafatsa maemo a papali ea rugby kahar'a Naha ea Lesotho, ke eo mokhethoa oa naha o tlang ho e sebelisa nakong ea lipapali tsa linaha tsa Boleswa tse tlii'o tsoareloa Lebaleng la Sesole, Mejametalana mafelong ana a beke e kenyeletsa lijesi le li-track suit tse ntle tsa maemo a holimo tsa papali ea rugby.

H'a nehelana ka thepa ena lebitsong la Kamphani ea Econet-Lesotho, Monghali Retšelisitsoe Nkhahle o supile hore seaparo sena sa boleng bo holimo se tlii'o fana ka morolo ho bahlankana ha ba nkhisetsana mahafi litlholisanong tsa Boleswa tseo ba tlii'o li bapala mafelong a beke. A re ha selemo se qala Econet-Lesotho e ile ea tšela chelete e kaalo ka M400,000.00 ka morero oa ho nanabetsa letsoho lipapaling tsohle tsa rugby. Ka hona seaparo sena ke tlotla e kholo ea selekane se mofuthu seo ba nang le sona le FLR.

A re seaparo sena se secha e boetse ke sesupo le bopaki boo ka bona ba ananelang hore FLR e ntse e sebetsa hantle, thomong ea eona ea ho holisa le ho ntlafatsa papali ea rugby kahare ho naha. "Re re pele ea pele ho botsamaisi ba FLR ka tšebetso e ntle lipapaling kaha bohle rea tseba hore lipapali li ka ba le khahlamelo e kholo litabeng tsa kholo le ntšetsopele ea naha." A rialo.

A re khato ena ea ho kenya letsoho le toma kahare ho papali ea rugby ke hobane ba hlokometse hore ho bonahala kholo e potlakileng kahare ho eona le sesupo sa hore ho na le moo e tla fihla hona teng e leng boemong ba machaba. A hlokomelisa bafani bao



e bang ba ntse ba saletse morao, ho kenya letsoho ho holisa papali ea rugby kaha sena se tla tliša liphetoho bophelong ba bana ba Basotho.

A tiisa hore taba ea hore lipapali ke boithabiso feela e feletsoe ke nako, ka hoo bohle re lokela ho bona hore bana ba Basotho ba iphelisa ka tsona. "Kampani ea heso e ananela mosebetsi ona o motle o etsoang ke FLR." Ke eena eo.

H'a amohela thepa ena President ea FLR, Monghali Fetang Selialia o lebohile ka



tsela e khethehileng kampani ea Econet-Lesotho eo e saleng e oa e tsoha le bona ho tloha ka selemo sa 2012 le ho fihlela kajeno. "Ke ipotsa hore na ha e ne e se ka Econet-Lesotho re ka be re le hokae ka papali ena ea rugby. Hobaka lebaka la tšebetso e matla ea eona re atlehile ho tsoelapele ka lipapali tsa Liki e Kholo." A rialo.

A re ha b'a thibela likampani kapa batšehetsi ba bang ho tšehetsa papali ea rugby, 'me ba ntse ba kokota letsatsi le letsatsi ho bahoebi bohle ho kenya letsoho kholisong ea papali ea rugby, "empa re ithutile hore

ho fumana botšehetsi ha se ntho e bonolo haholo." A leboha le baji ba lihlahisoa tsa Econet-Lesotho hoba ke ka bona ba ntseng ba fumana botšehetsi ho tsoa ho Econet-Lesotho. A re ba motlotlo haholo ka seaparo sena kaha se tli'o fa bahlankana seriti le tlhompheho e kholo ha ba bapala le linaha tse ling.

A qetella ka ho ipiletsa ho 'Muso oa Lesotho ho tsetala lipapaling kaha ho bonahala e hlile o le leqe ho kenya letsoho kholisong ea lipapali kahare ho naha. Ke hona 'mokeng ona FLR e bileng ea hlahisa motšehetsi e mong e mocha ho tsoa Naheng ea India, ea bonahalang a e-na le lerato le thahasello e kholo ea ho tla thusa ho matlafatsa papali

FIFA e khakola bolo e ncha

Tšeliso Thakholi

Nakong ena eo Sehlopha sa Naha sa Likuena se itokisetsang ho ea e hlanaka, lipapaling tsa ho qetela tsa ho phunyaletsa ho ea Mohopeng oa Lefatše, Mokhatlo oa Lefatše oa Bolo ea Maoto (FIFA) o khakotse ka molao, bolo e ncha e bitsoang TRIONDA e tlang ho sebelisoa litlholisanong tsa Mohope oa

Lefatše tse il'o tsoareloa Linaheng tsa Canada, Mexico le Amerika ka khoeli ea Mphalane le Pulungoana isao.

Likuena e tlohile hae ho leba Naheng ea Afrika Boroa ka 'Mantaha oa la 6 Mphalane monongoaha, ho ea koebana le Nigeria le Zimbabwe Lebaleng la New Peter Mokaba, Polokwane ka la 10 le la 13 ka tatellano, 'me ha e ka atleha ho hapa lipapali tsena e tla etsa nalanane lekhetlo la pele ka ho kena lipapaling tsa Mohope oa Lefatše le ho raha bolo e

ncha ea Adidas TRIONDA.

Sehlopha sa Naha seo Basotho ba nang le tšepo e kholo ea hore kamor'a hore se fuoe matla le ho tsosoa morolo ke ho ahloleloa ke FIFA ka ho fuoa lintlha, se tlohile hae se bopiloe ka libapali tse 16 tse bapalang Liki ea hae e leng Mosoeu Seahloho (LCS), Leluma Mofoka (Matlama) Siyabonga Monyaka (Majantja) le Motlomelo Kwanazi (Bantu).

Athe ba bang ke Mphale Mphalaole (Lioli), Fusi Matlabe (Lioli), Bokang Sello (Lijabatho), Lehlohonolo Matsau (LDF), Kananelo Rapuleng (Bantu), Tšepo Toloane (LDF), Hlompho Kalake (Lioli), Jane Thabantšo (Matlama), Halifele Moqokola (Lioli), Tšotleho Jane (Lijabatho), Katleho Makateng (LDF) le Thabo Maphakisa (Lifofane). Haele ba bang ba bapalang kantle ho naha ba se ba tla fetela Polokwane ka kotloloho ba tloha lihlopheng tsa bona. Ke tsona libapali tse tla qala ho bapala TRIONDA lekhetlo la pele nalaneng ea bolo Lesotho.

Ho ea ka FIFA lebitso lena la Adidas TRIONDA le bolela "maqhubu a mararo" e le

pontšo ea hore ke lekhetlo la pele linaha tse tharo li kopana 'moho ho tsoara litlholisano tsa FIFA World Cup. Bolo ena e ncha e na le mebala e meraro e leng o mofubelu, o motala le o moputsoa e le pontšo ea ho hlomphe linaha tsena tse tharo tse amohetseng hore lipapali tsena tse kholo lefatše ka bophara li bapalloe linaheng tsa habo tsona.

Likarolo tse ling tsa bolo ena ke 'mapa bakeng sa Canada, ntsu ea Mexico le naleli sebakeng sa Amerika tse hokahanang le mebala e meraro, e le sesupo sa kopano le nalanane ea lichaba tse tharo tse amohetseng le ho ananela bolo e ncha. Haele mekhobiso ea Khautae bontša tlhompheho ho FIFA World Cup.

Likarolo tsa ho qetela tse ikhethang tsa TRIONDA ke ho hokeloa ha marang-rang ho eona a nang le ntho e bitsoang 'sensor' ea boemo bo holimo ba 500HZ, e tla fana ka tlhokomeliso ho bohle ba tla tsamaisa lipapali tsena ha bolo e le ka motsoetseng leha e tsoile, e le ho matlafatsa liqeto tse tla nkoa ke batsamaiso bohle ba lipapali.

